

GOSPEL TANGKOU

(GOSPEL HERALD)

Issue No. 06

Volume: XL

JUNE : 2026



Kum Thupi:

‘Thou In, Lamtha ‘Kia ‘Vai...’

(Neh. 2: 17-18)

EDITOR:
RT. REV. KHUP DO KHEN,
BISHOP

EDITORIAL BOARD:**Founder Editor:**

Rev. Hauzalian Manlun

Editor

Rt. Rev. Khup Do Khen Bishop

Mobile: +919612388924

E-mail: khupdokhen@gmail.com

Join Editor:

Rev Suanboi Tungdim, Director of Ministries

Mob: +918837008618

Email: suanboi@gmail.com

Managing Editor:

Rev. Dr. M. Kamneithang Zou

Mobile No: +918974609177

E-mail: pastormthangboizou@gmail.com

Contributing Editor:

1. Rev Dr. Hangminthang
Mob: +919612997858
2. Rev. Thangliankham
Mob: +919862830905
3. Rev T. Chinlunmang
Mob: +917630854610
4. Evan. Ginminlun Tawtah
(Youth Promotor)
5. Nh. Nuamboi
(Women Promotor)
6. Divisional Superintendent teng

Design & Setting:

Upa Khuplajem Guite

Circulation Manager:

Sye Langnou

Mob: +918729901029

Upa Tutzamung

Mob: +918731830436

CONTENT

1. Editorial	: 1
2. International Children Day	: 2
3. Father's Day	: 6
4. Dohna Thum Poimoh Tinten	: 8
5. Israel Leh Iran Kidouna	: 10
6. Thupi: Na Dinmun	: 14
7. Koite E Pastor?	: 20
8. Kum Thupi Hilchetna	: 22
9. Missionary Biography	: 24
10. MELC Innsung Thu	: 30
11. Thupil	: 33

Life Member : ₹ 3000/-

Patron Member : ₹ 2000/-

Kum Khat lah man:

i) Khut ah ₹ 200/-

ii) Dah ah ₹ 250/-

Article zousie Managing Editor leh Editor kung a pieh ding; ahilouleh, Email in melcqrts@mail.com leh WhatsApp tungtawn a zong piehthei ding ahi. A lahman Circulation Manager kung a pieh ding ahi. Tualeh Article kigel zousie Editorte ngaidan ahikim suoh sih hi

Editorial laikung pan



ZU KA DAWN SIH DING UH (Jeremiah 35:6)

Pasian panpina toh hun leh nite hing liam zel in, tu June ha itung kia thei ta uhi. Sa-le-gal lai hinanleh Pasian gam nasepna ah, imawpuohna chiet uh ikal suanpi thei chiet zel ua, alungdam huai mama hi. Thu hoi leh kipah huoi mawngmawng zah ding a um sih a, bang ahing chi de aw... chia a lunghimaw tah a hinkhua izah laitah uh ahi hi.

Bangteng hitaleh, igam ah khamthei-guithei ahing tam mama ta a, ane zong atam ua, ashilaw zong ium uhi. Tuama bangin Israel gam ah zong Pasian manghil zen a zudawn atam mama ua, Jawlnei Jeremiah alungkham mama hi. Jeremiah khu Mangpa kungah ahing phun ta hi. Isarael taten, Aigupta gam a patsa puidohpa Pasian theilou in Zukham-annkham in aum siengta uhi chia agen chiengin, Mangpa Pasian in, Rekab te innkuan zu vapie a va dawnsah dingin a sawl hi.

Hinanleh, Rekabte innkuan in Jawlnei Jeremiah thugen aniel ua, a Zu tawipen a dawn pieh tasih uhi. Tuachiin, Jeremiah in, Pasian Zawlnei ka hi na thei uhi. Pasian hing sawl zieha hing kuan ka hi hi achi hi. Hinan leh ama un, *“Zu ka dawn sih dinguh, aziehpén ka pa uh Rekab tapa Jonadab in, noute leh na tapate un, kumtawn a zu na dawnlou ding uh ahi chiin thu ahing pie hi”* achi uhi. Tambanga Rekab te innkuan in Thumang taha aup ziehin, Pasian in, *“Rekab tapa Jonadab in ka masang a ka nasem ding mi atasam ngai sih ding hi”* achi hi.

Tambanga akhang akhanga Pasian gualzawl na itan theina ding un thuman kizil ta va ui. ●

Mangpa Jesu uplouna mun zousie khu Gawtmun ahi a, Mangpa Jesu upna zousie Vangam ahi- **William Barclay.**

Occasional Day

INTERNATIONAL CHILDREN DAY

By K. Milun Zou

Thumapui: Tukum 2026 a dingin “*International Children Day* khu 2nd June, Sunday” ni toh ahing kitua kha hi. Mite bangin siem sih nanleng zong a Tangmi mawltah in sutkhawm vai chin ka hing kisah a, sutkhiel sutval aup leh Pasion leh simtu zousie in na hing theisiem ding un ka hing ngen masa hi.

Background and origin:

Leitung pumpi a Tate Ni (Children Day) kizat na Ni (date) ahun akibang suo sih hi. International Children’s Day khu 1st Sunday of June in akizang a, Universal Children’s Day ahileh 20th November in kichiem te hi. Gam khat leh gam khat zatna Ni (date) kibang kimlou hi. Leitung a “International Children Day” kizatna masapen gam ahileh Turkey ahia, Kum 1920 in ana zang panta uhi. Amau ban ah Switzerland gam in 1922 in ana zang uhi. Children’s Day zatna dia lunggel (idea) hing

pokhe masa pen khu V. K. Krishna Menon ahia, ama lunggel khu United Nations, General Assembly ah 1954 in akipolut a, 1959 in tam Children Day ni khu October ha in ana kizang a, tuana kipat in 20th November in ahing kiheng (change) kia hi.

Children’s Day toh kisai bulsut ding hilei, Kum Zabi 20th a “Global Movement for Child Right and Welfare” akipan hi ding ahi. Leitung a Children Day zatdia ana kiphuon khietna (declaration) na ahileh United Nation, General Assembly in 1954 ahia, amauten a etzuidan

Loumun teelkhiel kha in kum khat adi’n apoi a, Koppi teelkhiel kha in damsung adi’n apoi a. Pasion teelkhiel kha in Tangtawn adi’n apoi hi- **China Thupil.**

uh ahileh, “Leitung pumpi a Kipumkhatna (unity) apoimaw dan ana tangkou (awareness) nasan khu leitong pumpi a naupangte bitna ding, dopsang na ding, leh ahinkhuo uh manphatah a azat theine ding uh” tupna toh abawl uh ahi. 20th November khu official tah a ni ding (date) telkhiet ahia, tami ni theizing na din, “declaration for the Right of the Child’s in 1959 and Convention on the Right of the Child’ in 1989” apansan uhi.

India gam ah Pandit Jawahal Nehru pienni khu 14th November, 1889 ahia, ama pienni khu Children Day in India gam ah akizang hi. India gam a naupang ten ama khu “*Chacha Nehru*” chin ahan uhi. Aman Naupangte leh I gam maban ding khuolna toh a itna zal in naupangte itna thu ana tangkoupi hi. Tuami ziehin ama pienni khu India gam in Children Day in akizang hi. Akizatni

masapen kum ahileh 1964 ahi. Tami hun (Children Day) chiengin, “*Sangnaupangte nasep tuomtuom (various activities): Lasa, Lam, Tangmi gel, Limgel (painting), Khutsiem silbawl (art and crafts) leh adang dang ah pang dingin hanthawwna hun in akizang a, tualeh tami Ni chiengin naupangte ahinkhuo ua akiphana ni*” hisah ding tupna top vaiguon ana kiziem hi.

Tualeh Ram Narayan Chaudhary in Neru khu 1958 in interview aban bawl na ah, India maban ding khu naupangte tunga kingah ahidan dohna ana bawl na ah, Nehru in, “Keima ngaituana ah, tunia naupangte khu zingvchia India maban a dingte ahi ua, amauten india khantouna ang tut ding uh ahi” chin adawng hi.

Children’s Day kizat dan:

Tami Ni chiengin, “Naupang lungsieng (innocent) te venbitnan akizang a, tualeh

Pasian in Hagau Silpieh a ahing pieh a na theipen kingangiem lechin, na lawching mama ding hi- **Billy Graham..**

Naupangte damtheina leh bitna dia humbit ding, a siemzilna uh veng leh pam a apat abitna ding uh” chi ahi. tami Ni in atup ahileh, “Naupangte Thaneina (right) tangkou ding, leitung a zonna (poverty) suh beina ding, siemzilna lam a atasapna uleh, a damtheina, naupangte nasep akizatna apat asuotat theine ding ua chouna (challenge)” thu akigen hi.

Tami Ni chiengin, “Naupangte patawina Ni in akizang a,” tam vaiguon hun sungin, “Naupangte manphatna, asilbawltheina uleh a talent tuomtuom aneite uh mipi muthei din lahkha (show) akibawl a, tuana amaute ama akizang a, tambang a manphatnate uh muolsuo nadin hanthawwna thu kigen in, amaute akipah theitheina ding un, Tondan lakhietna, Ki- apmaina (games) vaiguon tuomtuom” akizatpi hi.

Children’s Day
manphatna: Tam Children

Day manphatna akisut chiengin Pandit Jawahal Nehru Vision apat ahi, ama vision ahileh, “India maban khu tunia naupangte tunga kingah ahi” chi ahi. aman apeipi ahileh, “Naupangte thaneina aagintatdan in, tua nuapangte thaneina toh siemzilna anei ua, a damtheina ding u’leh naupang hunsung (childhood) azat sung ua akipah na ding uh” chi ahi hi. Tami ni chiengin, “naupangte lah ah numei pasal kal a kidaidanna aumlou ding, amau hitheina chiet apokhiet ding uh, alunggel uh pichin na ding ua siemzilna uh zatatpi ding” chi ahi hi.

Tami Ni chienga India gam leh leitung in apeipi u’leh atangkoupite uh ahileh,

- i) Naupangte Thaneina dopsang ding (promoting Child Rights)
- ii) Naupang hun lawpding (celebrating childhood).
- iii) A siemzilna uh dopsang

Tunia ka sep ding tam seng ahi man in, Dakal tampi ka thum apoimaw ding hi- **John Wesley.**

ding (promoting education).

- iv) Naupangte kepbitna toh kisai tangkou ding (raising awareness on child welfare).
- v) Ahina uh theisiempi ding (fostering a culture of compassion).

Akhupsitna: Tunia Leitung in Childrens Day azat pen u'khu, “*International Childrens Day*” ahi. India in “Childrens Day” azatni khu 14th November ahi. India in British Kumpi apat Zalenna (Independent) akimu lai a, India Prime Minister masapen Pandit Jawahalal Nehru Pienni (birthday) khu “*Children Day*” a kizang hi, azieh ahileh “*aman, naupangte hepi in a lungsiet zieh a ama pienni khu India gam sungah Naupangte Ni*” chia kizang ahi hi. Tami nia a kizang Naupangte Ni khu **Hindi** ham in “*Bal Diwas*” aki chi hi.

Tuni Leitung gam tuomtuom ah “Naupangte Ni” chie zat in

aumhi. Atangpi in naupangte'n amau Sanginn chiet uah azang uhi. Naupangte kipahpina, patawina leh thuhilna hun a zat ding ahi hi. Tuni pen leitung vai a zat hinanleh hun lemtang a la in, Pasian Thu toh naupangte pat/ hil ding ahi dan genlei ka nuom hi. Laisiengthou ah naupangte toh kisai thuhilna tampi mu din a um hi. Pichingte'n Vangam umzie a theisiem theina un Mangpa Jesu'n naupangte ana zang hi. Tuachin naupangte banga kingiem khiette khu Vangam lienpen ahi ding chin ana gen hi.

Children Day chienga Bible sim dingte ahileh:

- i) Naupang apei na ding lampi ah chil in, a up[at dongin zong tuate a kipat in a pielmang sih ding hi (Thup. 22:6),
- ii) Na tate uh, phatuom ngai tahin na zilsah ding ua, na inn sung ana tou chieng bangin, lampi a na pei

Na Bible a sieng leh na hinkhuo anin ding a, na Bible a kigit zengzung leh na hinkhuo a siengthou ding hi- **D.L. Moody.**

Chieng bangin, na lup
chieng bangin, tualeh na
thaw chieng in zong nah il
zel ding ahi (Danp. 6: 7-9).

iii) Naupangte aw, Mangpa
ah nanu leh napate uh thu
mang un, tami sildih ahi.
“Nanu leh napa zatat in”
tua khu thupieh chiem nei
masa pen ahi. “Tuachi’n
nou a dingin ahoi dinga,
leitung ah na dawmsawt
ding uhi” (Eph. 6: 1-3).

iv) Khrist a guolzawl na
hingpe zelpa leh koute
zang a mun chin a
Ama theine gimnamtui
theisahpa Pasian kungah
kipah thu umta hen
(1Kor. 2: 14).

v) Ngaivawi tate khu

Mangpa apat a igoutan uh
ahi a, tualeh gil a ga zong a
kipahman a ahing pieh ahi
(Late 127: 3). Tuaziehin
koipou tam naupang neu
banga kingai ngiem mi
khu Vangam ah a lienpen
ding hi (Mt. 18: 4).

vi) Tam mi neutelah a khat
zong simmawlou dingin
pilvang un, aziehpén a
vansawltachte un, van a
um ka Pa maisuo a en
zing uhi, chi ka hing hil
ahi (Mt. 18: 10).

Jesu’n, “Naupangte ka
kungah hing peisah un,
ama uh khaam sih un,
vangam khu tambang mite
a ahi” achi hi (Mt. 19: 14,
Mk. 10: 14).

FATHERS DAY

Rev T. Chinlunmang, Biel Pastor Singngat Division

Amasa pen in Tangkou simtute Jesu min in chibai kahing
bawl hi. Leitung a mihing koima Pa umlou a piang a
umsih a, apa kitheilou ah hing piang naungehte zong a pa
um veve ahi. Pa umlou a koima a piang aum lou bangin Pate
kunga zong Pasian in a pieh vangletna um ahi chi taten ithei
ua, tuami vangletna tang dinga I pate chiet uh zatat a ahing

Mangpa, shina in hing tuom nanleh, nak hut a ka um ni akipat in
ka lungkim vangut hi- **John Calvin.**

teh chieng ua zong hoitah a kem leh enkol dingin pan lachiet va ui.

PATE NI HING PIANGKHIET DAN:

Europe gambup a Catholic te laha Pate Ni pen middle age hun lai apat March 19 ni “Feast of St. Joseph” Jesu pa zatatna in ana jang uhi. Tami pei dan pen America a hing lut Spanish leh Portuguese te hing pawlut in tutan March 19 ni Latin America gam ten a zang nalai uhi. America gama Pate ni masapen Williams Methodist Episcopal Church, South in Fairmont, West Virginia a July 5, 1908 in Mrs Grace Golden Clayton panlahna in ana zang uhi.

Pate Ni thupitah a izat theina dinga pan analah ahileh Mrs. Sonora Smart Dodd ahi. Kum 1909 a Nute ni kizatna a Sermon a ngai apat Pate zong tawisang tah ahi dan ahing thei khia a, apa William Smart in anu umlou nua a ama uh unau 6(guh) apa’n anu tellou a, a etkol

dan thupi sah in Spokane Ministerial Association leh YMCA te kunga Pate Ni bawl dingin a ngetna nei in June 5, apa pianni a bawl dingin angen hi. A deidan in mipi gupna nga in, hinanleh ahun pen khel dingin Ministerial Association in ngetna bawl in Spokane, Washington a June 19, 1910 (June hah a Pasianni thumna) in Pate ni lopna masapen hing kibawl in, a ban Kumteng in mun tuomtuom a zat in ahing umta hi. Kum 1913 in US Congress a Pate Ni National Holiday hi ding in US President Woodrow Wilson panlahna in bill aki polut a, 1966 in President Lyndon Johnson in June ha Pasianni thumna (3rd Sunday of June) pen Pate zatatna pia ni hiding in thupuan abawl a, 1972 in President Richard Nixon in June ha Pasianni thumna pen Pate ni hi dingin asuai akai a, US gam a dan

Khosa kaizen a lokhiet Tanghou guolzawl na ahi a, thase leh ginumlouna apat lokhiet Tanghou te sang in ahum zaw hi- **Grow Quill.**

hing hi in holiday (khawlni) in azang uhi.

PATE NI IN NAPA BANG NA PE DIAI!: Pate ni ilop chieng un khanglaite'n I pa bang pelei kipah pen dingin na gingta uai!. Na pa'n nang apat bang silpieh aki lam et diei? Tu a I dinmun koi zieh a tung ihi uai! Pate'n tate apat sum-le-pai, sana dangka a lamen sih ua, taten Pa thu ngai a, I lungsim sunga ahing thuhilnate kep ding khu a deipen uh ahi. Sum- le-pai, sana dangka te nang lamsa hilou ahi, Sepna

hoitah ha sum tampi koi jieh a na mu e! Pate'n tate apat leitung nei leh goute a lam en sih uh "Ka tapa na lungtang hing pie inlen namit in ka lampite en hen" (Prov. 23:26) "Ka tapa ka thuhilna manghil sin len, ka thupiete na lungtang in kem heh" (Prov. 3:1).

Pate Ni a i pate kipahna ding in sum-le-pai, sana dangka hilou in I lungtang ua ahing thuhil nate kep a jui ding ahi, athu na jui sang a napa kipah sah jaw ding sildang aum sih hi. ●

DOHNA THUM POIMO TINTEN

- Rev. Haozalian, Chief Editor GT

Leitura ihinkhuo uh khu Vangam hingtung dinga Lkisahkholna dia hing kipie ahi. Tuajiehin, tam anuoi a dohna poimo tinten thumte dawng ding in na kisa khawl in.

1. Hutdam kitheichienna nanei ei mah?
2. Shi hamuonna nanei nai mah?
3. Leitung na taisan hun chieng in tunglam ah nang din gou leh lomman Mangpa'n akoi hi chi na muong ngam in na kinem zou nai mah?

I poimawte nei a vangphat huoi a, avalseng a neipen zauhuoi hi-
Chuang Tse.

Hilchetna:

1. Hutdam kitheichetna apoimo pen hi. Ajieh ahileh pienthana hagau tellou in Hutdamna ngathei ahi sih hi. Tami pienthana Hagau khu hutdamna mahuol namna (Seal of Salvation) leh Neitah piehzom dia kichienna (Pledge) leh Piehkhiehsuhna (Down Payment) ahi. Tam thum teng na tahsa a na theitel tah leh hundam kitheichetna ahi mai hi.

2. Shi hamuonna nanei nai mah? chi genchienna din tambang in genvai: Shi hamuonna kichi pen hagau siemtanzo nua a, Pasion Hagau umpina jal a ahapina a dinsah a um hai a, tuamin kukalna leh lametna hing siem a, tuazo chienga Pasion lungsietna ilungtang ua ahing luon letna ah kilang hi (Rom 5:1-5). Tuabanga shi hamuonna a neiten Jesu banga thoukia ding ahiman un, shina jau votlou uhi.

Jesu'n imelma lienpen uh thum azosa ahitah man in (Rom 4:24).

3. Sawltah Paul in shi jau lou hi. Ajieh ahileh aman sie-le-pha theina siempa Mangpa na sem hi (Nasepte 24:16). Asie-le-pha theina jiehi khu aginna jiehi ahi. A gin sungsie Mangpa'n hing siemtang ding hi. Sawltah Paul in shina chou-ngam hi. Aw shina, hei ah e na gu khu? Aw hankhu hei ah e na zona? (1 Kor. 15:55). Tuajiehin ahinkhuo nukhie lam ah, Paul in hichin gen hi, "shi khu kei din punna ahia, hin khu kei din Khrist ahi" (Philip. 1:21). Tualeh aman, tuin kei ding in hinna Manglukhu mansan um hi. Tuakhu Mangpa vaihom dih pan kei ahing pieh ding, kei kung mai hilou in, ama hing peikia ittute jousie kungah jong ape ding hi, achi (II Tim. 4:6,7,8). Mangpa'n a thu guolzawl hen! Amen! ●

Thum zing Nupi in a angung a apom naungeh khu Setan khut in banzoulou hi- **John Wesley.**

Simlei vai

ISRAEL LEH IRAN KIDOUNA

- Bishop

Israel gamsunga Newspaper minthang mama, “The Times of Israel” kichi pen ah, Israeli Prime Minister Benjamin Netanyahu in, Iran te tunga Operation akibawl na min khu, **“Roaring Lion”**, ahi chiin agen hi. Tami thu ma toh kizom in, America President Donald Trump in, koujong pangding ka hi ziehun, ka kituom genna uh hilou in, kou America ten tami Operation min pen, **“Epic Fury”** ka hisah ding uhi chiin ang gen khie hi. Hinanleh Israel Defence Force lam te’n, tami Operation khu mindang khat a phuoh ua, tua khu, **“Shield of Judah”**, achi uhi. Bangteng hileh Israel te’n, kum 2025 in Iran te tungah, **“The Rising Lion”**, chi minvaw in Operation ana bawl zou ta uhi. Tami min toh kizom in, tutung Operation min khu, **“Roaring Lion”** ahing chikia uhi. I Laisiangthou, Thuhun Lui sungah, Pa Pasian khu Humpi bahnei chia akigentena 150 vei ana tuang hi. Nidanglai Ipu uh Joshuate hun lai in zong Israel gam ah humpi-ngaltang ana tam mama hi. Tami Humpi bahnei khu, thahatna leh thuneina etsahna ahi hi.

Israel khangthu ah Jacob in zi 2 anei a, tapa 12 leh tanu khat anei hi. A tapa 12 te laha **Juda** khu Humpi bahnei toh gente in ana um hi. **(Siemchil 49:9)**. Tuachiin, a leenggam uh zong Juda Lenggam chia minvaw in

ahing um hi. Tuabanah, Juda lungthahna khu zong “Humpi bahnei hawh vapum” toh gente in ahing um hi. Tuama bangin Juda lungthahna khu agam kuam a mizousie in azau vot uh ahi hi. Tu lel lel in zong, Amerika

Pastor a pasal dia nei ngap numei khu mi hangsan ahi ngeingei ding ahi- ***Nu Millo Arnold.***

gam a mihausa pen pen te leh silbawlthei tahtah te khu Juda mite ahi ua, Juda mite lungthah ding khu Amerika in zong azau vot ahi hi.

Tu le tu dinmun a Simleivai ah, Iran ten a lunggel uleh lungtup mualsuo asawm pen uh khu Israelte thachimit ding leh leitung maikai a Israel map suhmang ding chi ahi mai hi. Tuaban ah Israelte gum leh panppi pouma zong hinkhoi lou ding chi ahi. Tua ahiziehin, “Death to America chi leh Death to Israel,” chi khu aneu alian aw suoh ahi mai hi. Tambang lungtup Iran in anei khu a sepsua man lou tei tei na dingun CIA leh MOSSAD in operation bawl ahing sawm ta uhi. Tami Operation ah Ayatollah Ali Khameinei, a supreme leader pa uh khu thalup tei tei ding chi ahi. Tami lungtup-lunggel sepsuo leh suhtangtun ahing hitheina dingin CIA ten hali sung akip-akoi a suizuina ana neizousa

uh ahi ta hi. Alang khat lam ah, tami Operation akibawl lou theina dingin, Amerika President Pu Trump in, Iran te supreme leader Ayatollah Khameinei leh akai zatamte khu nivei ahoulim pi hi. Tami kihoulimna a Amerika president Pu Trump in Irante tunga aphuut khu ahi leh:

- i) Iran in khuavannuai a galguh bawla minthangte **Isis, Hezbollah, Houthis, Al Qaeda, Hamas** leh adang dangte training, funding leh hiam le thal a supply abawl zing khu akin akin a akhawlsan ving veng ding uh.
- ii) Nuclear galvan abawl zom non lou mawng mawng ding uh.
- iii) International Trade and commerce silte, leitangtung hi in tuipi tung hitaleh, asuhbuai lou ding uh. Petroleum products toh kisai import leh export a suhbuai lou

ding uh chite ahi hi.

Tam atunga sil kigente khu Irante supreme leader pan zahthada huai sa mama nanleh kamsiamdeu mai in anawl khin hieu hi. Tuachiin, Oman khopi Muscat ah, a khatvei kihouna uh khu lawsam leh bangma lou asuah ta hi. Tuachin, aniveina dingin Switzerland khopi Geneva ah ahing kihou pankia ua, tua mun ah Iran te leaderpan, ka gam sovereignty na sukha uhi achi hi. Tami umzie khu Kouma gam khu Kouma thu thu ahi a, ka ut ut uh bawl va ung achina ahi hi. Tami nivei kihouna ah, Pu Trump pen alung thah sim mama hi. Tuachiin, khat vei mong mong kihoukia vai aw, chi in ahing kikhen ta uhi. Tami nivei kihouna apatsa in Amerika ten, Irante umdan khu datmaw huai asa mama ta ua, Iran ten bang ahei khat bawlsawm uh ahidan zong ahing theikhe ta uhi.

Kihou kia nan ule zong bangma phatuam hilhel louding ahidan ang mukhieh tah ziehun, last option khu bangma dang umnonlou ahita a, Operation Epic Fury pat khum mai dingin thutanna ahing la ta uhi.

Tuachiin, Operation bawl patni ding a CIA te leh MOSSAD te kihouna khu nisim 27/02/2026 zingkallam Ah masa khuan hunlai tah hidingin thutanna ahing bawlta uhi. Hinanleh, tami nasep apatmasang deu uh naikal 4/5 vel in asap laitah in, thutha khat ahing mu kia uhi. Tua khu bang thu ahei ichi leh, Iran gamsunga lamkai lien luboh teng, kimsipsepa Inn kot kikhahkhum zen a kikupkhawmna (closed door meeting) neiding uh ahidan leh thu poimaw leh ahunlap a nasep ding ni leh thum umte (2/3) genkhawm ding uh ahi dan ahing theidoh uhi. Tua Komiti khu nisim

Engalnd gam a Pasian thugen tampite gen sang in ka nu'n a Phei tung a agente manpha sa za wing- **John Wesley.**

28/02/2026 zingmawng
local time 6:00 akipan ding
ahidan zong ahing theidoh
uhi. A thu kikap dingte uh
khu bangma dang ahi sih a:

- i) Israel gam sung vutvaikhu
kitunsah ding, Israel gam
khu leitungpumpi map
a jong atuan khahnon
lou ding leh, Israel
te thachimit ding leh
delmangsiang ding.
- ii) Amerika te douna nasep
chituam tuam panta ding
leh sepmasah leh sep
nukhie ding dan.
- iii) Russia, China leh North
Korea tetawh sasin-
salung nekhawm ding
chithute ahi hi.

Tuachiin, aki komite na ding
mun uh koiman athei sih
ua, hinanleh alou theilou a
aneina ding mun ua agintat
na uh mun uh khu Ayatolah
Khameinei Compound
sung a leinuai tong 60 vel a
thuh Bunker sung hi tei tei
dinga ginmawna khu 70%
ahi. Tuabanah, ginmawna

mun target tamtah toh
kap khawm ding leh Iran
te Nuclear Galvan koina
munpi leinuai feer 300 val
a thuhsuh zong kapsiet ding
chi ahita hi. Nuclear galvan
kikoina mun khu MOSSAD
ten athei ua, ahivangin akap
na ding galvan anei sih
uhi. Tambanga leinuailam
kaptheina galvan, sing – le
suang zong vutvang thei
bomb Hattah Amerika te bou
in anei uh ahi h i. Tuachiin,
nisim 28 February 2026 ni
Iran gam a zingmawnglam
nai 7 asat toh kituah chet
in, Amerikate leh Israel
ten, vanleng hatpen pen
te zangin, bomb hattah
tah te tawh, atup-angimna
munte uh ahing bom zieh
zieh ta uhi. Iran te khopi
Tehran tungah vanleng
pen muvanlai ahon a
leng te mama abang
keei hi. Thakhat thu a ki
balsialnuaina ahitah ziehin,
Iran te khu chimaw ai-am
in aum sieng ta ua, asepai
te uh leh vanleng lam

Sangsye 100 sang in, Nu hoi khat manpha zaw hi- **George Herbert.**

saiten position ahing lahteivan gun, a Thaugtang mitnei te un zong koima vanleng akap kha sih uhi. Amerika te vanleng hehte khu asiam mama ua, Irante thautang mitneiten (Missile) anuadel ua, aphah kuan chiengin, Pilot in a vanleng hawl khu thakhat thu in asang len sah a, tuachin, tua thautang mitneite khu vanleng nuailam ah tangtah in ahing leng suoh zel hi. Tuachiin, nitahlam in, Iran radio in

a supreme leaderpa uh leh lamkai bangzat aheikhat shi ahidan ahing phuangkhe hi. Tami thuphuan bawl ahitoh kituoh in, Migiloupa shi e, chia nuamseng seng a kikou lah beilou, ada seng seng a khotang ngailou a awngpeupou akap lah beilou in lungkham mangbatna in Tehran khopi sung ahing zel suoh ta hi. Tuachiin, sotlou kalin, gamsung pumpi kalemauna aw in ahing zel suoh ta hi. ●

THUPI: NA DINMUN

- Evan Ginminlun (*Youth Promotor*)

Leitura a mihing zousia dinmun neilou kivant mama ding Lahi. Ahin lah mi zousia in dinmun mawh neithe bei tuan lou ahi. Apil leh asiam, a zawng ahau tenzong dinmun akinei chiat sam hi. Dinmun pen achituam tuam a um hi. Tuni'n igam sung enlei nam nasem leh nam lamkai te, hattuum lamkaite, khosung leh vengsung lamkaite zousia in dinmun anei chiat uhi. Vagen saudeu talei sorkar in zong dinmun anei hi. Inn sung dinmun, sum leh paai dinmun, tahsa hinkhua dinmun leh hagau hinkhua dinmunte zong dinmun khat ahi. Tuni'n igam dinmun te bang en ulei gaal nei kihi mawh ahi. Apeisa 03rd May, 2023 apat tunitan in meitei gaal abei naisih hi. Itheilou kal un ikiim ipaam a siltung ten eima gingtu

Khanglaite aw, maban a I gam-le-nam kinepna na himan un, mukholna (vision) lienpipi hing nei un- **John F. Kennedy.**

(Christian) dinmun tebang jong nasatah in ang na su se naah mama hi. Inn sung dinmun tampi asusia a, mi tampi asaang a sim ten inn leh lou khua leh tui a mansua uhi. Tuaban ah sum leh paai, neh le taah suina dinmun te asusia a, sang naupang nungah tangval hinkhua dinmun hoilaite tampi suhsiat in a um hi. Tahsa hinkhua kisiat law leh hagau hinkhua a mangthang mi tampi ih um lawta uhi.

Dei umlou tah leh gelpha lou hial in idinmun te uh tambang ahitaah man in gingtu (Christian) hina ah gingtu khat in pilvang tah a ama mimal dinmun akithei a, adinmun toh kituah a gamtat leh hinkhua zat ana poimaw mama ahi. Alang khat ah mani dinmun theilou leh theisiam lou mi zong a um a, a dinmun theisiam leh a dinmun dungzui a hinkhua zang a gamtang zong aum hi. Mizosia akibang kim sip sep sih a, adinmun thei a adinmun toh kituahlou a hinkhua zang zong a um hi. Pasian in mihingten ama uh deina bang a hinkhua aki zahthei nading un deitelna (Free will) ang pia a, ei mihingte ading a hamphatna leh Pasian hoina

ahi hi. Mihing khat pen sil hoi khat hinanleh eima ut na leh deina panglou a ang kibawl sah sawm chiang in ki ut tuamlou ahi. Hinanleh thumanna apoimaw a, eima ut na ahilou in zong thumang a silhoi ibawl a lampi dih leh lampi hoi izui leh gualzawl na ana um hi. Thumanglou chu vangsiatna leh shina atuah thei hi, “Aziahpen khelna thaman shina ahi.” Rom 6:23.

Bible pansan in adinmun toh kituahlou a hinkhua zang a gamtang mi khat en vai:

Adam: Genesis 2: 15 - Tuachi'n Mangpa Pasian in mihing khu a zawpi a, Eden huan kem ding leh veng ding in akoi hi. 16 -

Va (bird) in Singga a tuitua te teel in aneh bang in, mipiten zong mi thupite ma langpan (oppose) uhi- **Lord Bacon.**

Tualeh Mangpa Pasion in mihing kung ah “Huan a sing chinteng ga zosia na ut ut na nethei ding hi. 17- Hinanleh asia leh apha theina singga khu naneh ding ahi vawt sih hi, na neh leh na neh ni mama in na shi ngei ngei ding hi, chi’n thu apia hi.

Adinmun:

- i) Eden huan kemtu leh vengtu ahi.
- ii) Eden huan a asia leh apha theina singga chilou adang teng nethei ding dinmun in a um hi.
- iii) Eden huan a asia leh apha theina singga aneh leh aneh ni mama a shi ngei ngei ding dinmun in a um hi.
- iv) Ama ut ut a gamta thei dinmun in a umsih a, Pasion deina leh Pasion thupiah dungzui a hinkhua zang leh gamta thei ding giap dinmun in a um hi.
- v) Apoimaw bang zir a Pasion toh hun zang

khom ding dinmun in a um hi.

Hinanleh vangsiat umtah in Adam in adinmun toh et a abawl louding leh agamtat louding bangtah in ang gamtang ta a, nehluou ding asia leh apha thei na singga aneta a, atung ah tam anuai a bang in Pasion lungthahna atung ah atuta hi:

- i) Azau ta hi. Tuachi’n ama’n, “Huan ah na aw ka za a, guahtang a um kahi ziah in kazau a kabu kahi,” achi hi (Gen. 3:10).
- ii) Leitung samsiat ahi ta. Tualeh Adam kung ah, “na zi kung nasan a nehluou ding kachi singga nan eh ziah in Leitung nang ziah in samsiat ahita, na hinsung gimtah a sem in a ga na ne ding hi (Gen. 3:17).
- iii) Lei a annte louhing na ne ding hi. “Ling leh khaute louhing neite nang a ding in ahing pou ding a, tuachiin lei a annte

Mukholna (vision) umlouna mun ah lam-eetna zong umlou-
George Washington Canver.

louhing na ne ding hi.
(Gen. 3:18).

iv) Khosa luang pum in ann na ne ding a, leivui ma ah na kilekia ding hi. “Lei a na kilekia masang sian na mai a khosa luang pum in ann na ne ding hi. Lei a lah khiat nahi ziah in, leivui nahi a, leivui ma ah na kilekia ding hi, achi hi.” (Gen. 3:19).

Adam apat a imu uleh izil khiat thei ding ua hoi chu, idinmun toh kituah lou a hinkhua zat a gamtatna in itung ah Pasian lungthahna leh hamsiatna ang tunthei ban ah mihing zousia in Pasian lungthahna leh hamsiat atanlo hi (Genesis 3:17-19).

Adam in bang ding a tuabang a sil bawl louding ana bawl kha ata diai le? Adinmun thei lou, adinmun geeldoh lou in ama mimal utna leh deitelna (Free will) zang a agamtat zia ahi. Tuaziah in ikiim ipaam a siltung te theisiam a, thamlou

a eima hinkhua tanpha ang suhkha ding pilvang mama ding ahi. Silhoi silpha zousia zong ei ading a hoi leh pha bang nan leh ana hi zing lou ahi, “Sil zousia kei ading in asiang a,” hinanleh sil zousia a phatuam kim sih hi, “Kei a ding in sil zousia a siang a,” hinanleh sil zousia in a bawl hoi tuam sih hi (1 Korinth 10:23.)

Adinmun theisiam a hinkhua zang a gamtang a Pasian lungkim sah leh Pasian gualzawl na tang mi khat en vai:

Joseph: Genesis 39: 4 – Tuachi’n Joseph in apu mitmu in hepina a tang a, ana asep piah hi. Tuachi’n a man a inn sung mite tung ah vaisai in a pangsah a, anei zousia a khut ah a un in a koi siang hi. Tana Joseph dinmun hi dinmun poimaw mama khat ahi ban ah dinmun neu hihet lou ahi. Potiphar inn sung mite tung a vaisai leh a nei zousia enkai

leh kem ding a mopuahna piah in a um hi. Tuabang komkal ah Potiphar zinun Joseph melhoitah khu a en la a luppi ding in a ngenta hi. Hinanleh Joseph a ut tasih hi (Gen. 39:7-10). Bang ding a Joseph utlou ahiai? Adinmun akithei a ahi. Joseph dinmun bang ahiai? Potiphar inn sung mite tung a vaisai ding leh a nei zousia kemhoi ding a muangtah a guat ahi hi. Apu pa Potiphar in muangtah a aguatna athei khin khian a agin um hi.

Joseph in a dinmun akithei a gin um tah a hinkhua azah ziah in bang achi ei?

- i) Genesis 39:21 – Hinanleh Mangpa’n Joseph a umpi a, hepina akilang sah a, suangkul vengpa mitmu ah deisahna atangsah hi.
- ii) Genesis 39:22 – Tuachi’n suangkul vengpan suangkul a um suangkul tang zousia Joseph khut ah a un in a keem sah a, tuana a bawl zousia uh

Joseph bawl ahi mai hi.

- iii) Genesis 39:23- Suangkul vengpan Joseph khut nuai a um bangkim ava en nawn tasih hi. Mangpa’n Joseph a umpi a, tualeh a bawl pouma Mangpa’n lawchinna apiah ziah in.
- iv) Genesis 39:9-13; 18-22 – Pasian in Joseph khu mang ledoh theina apia hi.
- v) Genesis 39:14- Pharaoh in Joseph khu suangkul apat a ladoh hi.
- vi) Genesis 39:25-36 – Joseph in Pharaoh mang a letdoh hi.
- vii) Genesis 39:37-43 – Mangpa hagau umpina atang a, Pharaoh in a tawisang a, zaa na apia a, Izipt gam zousia tung a vaihawm in apang sah tahi.
- viii) Genesis 39:57 – Tuachi’n gam tenga kial a khawh mama ziah in gam chin a mite Izipt gam ah Joseph kung ah bu lei ding in ahing pei

“Pastor khu Chabi (key) ahi” aziehpén Hattuum khanloh na ding, khantouna ding leh chidam na ding khu amauti khut ah akinga hi-
A.W. Tozer.

uhi.

ix) Genesis 45:7- Tualeh, leitung a nahah na suante uh hing kepbit pia ding leh hutkhiatna thupi tah a na hinna uh hundam ding a Pasian in kei ahing sawl masah ahi. Joseph in Pharoah deisahna tang in a inn sung mite kial apan ahundam hi.

x) Genesis 47:27 – Tuachi'n Israel khu Izipt gam a Goshen gam ah atengta a, tuanah inn bul tah in a umta uhi. Tualeh chi tampi suang in nasatah in a khang ua apungta uhi. Izipt gam sung a gam nuam pen Goshen ah a inn sung mite a tengsah hi.

Joseph in a dinmun a thei a, a dinmun kalval in a gamta sih a, a gin um a Pasian a zau a tuachin lamdang tah leh loupitah in Pasian in a gualzawl hi. Apa inn kuan te leh Izipt gam leh gamdang mi tampite ading in kial apat hundamtu in a pang hi.

Ama dinmun thei a, adinmun kal val a gamta lou a gin um tah a Pasian zau a hinkhua zang a gamtang mi khu Pasian in akipahpi in agualzawl ahi chi imu thei uhi.

Gingtu hinkhua ah mihing hina zal in ikiim ipaam a siltung te leh sil suahtah ten ang suh kha ding bailam mama ahi. Adam leh Joseph in zong a siltuah te uh akibang chet hisih nanleh akiim apaam ua sil ten a suhkha uh ahi tuah tuah uhi. Hinanleh vangsiat um leh dei umlou tah in Adam khu zaw in ana um a, ahin lah Joseph pen zaw in ana um sih ahi. Adam bang hizolou a Joseph bang a eima mimal dinmun thei zing angai ahi. Tunin idinmun te uh zousia tung a thuneitu khu Pasian ahia, koi hitaleh ama dinmun a Pasian neilou chu atung gih ding ahi. Tunin eite pen chi leh nam ngaina mama te ihi uhi. Pasian nei khalou zen a chi leh nam

Lamkai khat in lamkai siemna anei ding apoimaw hi- **John C. Maxwell.**

ngai nat, hattuum pawlpite ngainat kha thei tahluat ahi. Hinanleh Pasion kipahna ana hilou ahi man in idinmun chiat uah gin um in Pasion neichiat ulei Pasion in ichi inam te uh, I hattuum pawlpite uleh adang dang in hing gualzual mama ding ahi. Joseph in adinmun pumpi ah Pasion akoi a Pasion in ama a gualzawl a, apa inn kuante a gualzawl a, gam sung mite a gualzawl a, ama Israel nam zong ama Jacob apat in a gualzawl ahi. Joseph bang in idinmunte uah Pasion nei masapou ulei nang leh keijong Pasion in hing gualzawl thei talua ahi chi tuni'n atha in thei lei ut huai isa uhi.

Tuni'n dinmun tampite la ah nang nadinmun bang ahiai? Bang dinmun ah nading ei? Bang dinmun a ding in naki mu ei? Na dinmun bangchi'n nazang ei? Na dinmun nakiletsahpi khamai thei hi. Dinmun kichi aneu alian umlou in Pasion gualzawl na ahia, na dinmun apat Pasion deilam a nasem ding in tuni'n Mangpa'n ang han hi. Aziahpen "ama deilam bawl ding a noute hing utsahpa leh hing semsahpa khu Pasion ahi" Philippi 2:13.

Simtu zousia Mangpa'n hing gualzawl chiat ta uhen.

Kipah ing! •

KOITE E PASTOR?

- *Pastor Hausawmlal, Local Pastor, MELC, Shillong*

Silkhat pou pou akemtu a um hi tam leitung a, tuana a kemtu in a silkep khu athei chieng in athei hoi mama uhi. Kemtu die koi pen khu muan pente ahi zieh ki kemsah jel ahi.

Pasion in tuni (today) abulphu a, Setan in zingchieng (tomorrow) abulphu hi- ***Billy Graham.***

Tua mabang in Jesu zong a nuazuite a thukem ding leh nuazui siem/bawl ding in mopuana lientah na pieh in (John 21:15-17), tualeh Nuazui masah ten zong tam Pasian thukem ding in mi mopuona ana petoujel ua tuate tuhun a Pastor te ahi uhi. Belampu lien Jesu in belampu hina anuazui te ana pieson pen khu apeitou jel ahi (Nasp. 20:28).

Army term peidan in gen ding hitalei Pastor te pen sepai makaite ahi ua, anuoi ua army tamta a enkhoh jel ua, tua na Jesu Khrist khu a chief Army ahing hita hi. Pastor te khu mopuana lientah nei ahina ua a thukemtu te leh hiltute ahi uh chi theisiem mama angai hi. Tuabang in Pastor te in zong kemtu ka hi chie a sil hing kep khu hoitah nou a thei ah a etkhoh zing uh khu sil poimaw tah khat ahi.

Tuaban a hattuom mipi te'n zong Pastor te khu a mopuona uh theisiem ah silkepte uh en a zatahna pieh a doh leh sah a nei zing dingte khat ahi (2 Timothy 4). Tualeh Pastor ding te'n zong Pastor ministry line khu calling neitah leh ahinkhuo ah apenpen a koi masa pai ah siemna te ziljou ah tammi line dei na toh ang zui pai ding khu sil dihtah leh kipatna dihtah khat zong ahil. Pastor te pen hagau hinkhuo ah lampi hiltute ahina dol ua, hattuom mi hagau ki mapuisah a ahinkhuo ua Jesu ma liensah pen te'n Pastor te ma hing theisiam pai in amaute panpitu leh deisahu in pangzing pai uhi. A pastarpa hina ah enlou in a sung ua hagau tungton ah a thukemsah leh athau nutuh Jesu a etzaw zing zieh ua Pastor te deisahu leh ngainatu ana ahi zaw jel uhi. ●

Ka inn tahtah khu Vangam ahi. Leitung pen ka Loukuonna mun ahia, tua ka tenna inn zong ka loubu ahi- **Billy Graham.**

KUM THUPI HILCHETNA

Prepare by: Rev Dr Hangminthang, Former Bishop

AUGUST

THUPI: I LAMTHA KIA DING UH NINA BANG E?

1. I innsung uh ahi (Isai 38: 1).
 - a) “Na innsung um dingdan geltupsa in koi in...”
 - b) Tam innsung khu Jerusalem khopi ahi (Nasp. 1: 8).
2. Tate khu Mangpa apat goutan ahi uhi (Late 127: 3).
3. Tate khu dawkan kimvel a Olive selte bang ahi uhi (Late 128: 3).
4. Innsung nuom khu “Vangam naipen ahi.”

SEPTEMBER: SEPGUOL THUPI GEN DING

OCTOBER

THUPI: I LAMTHA KIA DING UH THUMNA BANG E?

1. I hattuom sung uh (1Tim. 3: 15).
 - a) Pasion innkuonte khu “Hattuom” ahi.
 - b) Hattuom khu thutah kingahna khuom leh kingahna suongphum ahi.
2. Thutah kingahna khuom ah kikhenna leh kituom bawlina a um ngaisih hi (Rom 16: 17).
3. Hattuom sunga kikhenna leh kituom bawlina umna khu, tahsami hattuom ahi (1Kor. 3: 1-4).

NOVEMBER

THUPI: I LAMTHA KIA DING UH LINA BANG E?

1. I khotaang (society) uh (Late 37: 21-29, Thupilte 14: 34).

Na Kam uh lienpiin kaah unlen, tuachi’n ka sudim ding hi-
Pasion (Late 81: 10).

- a) Innsung akitplou leh hattuum akitup theisih a, hattuum akituplou leh khotaang akitup theisih hi.
2. Late 37: 21-29 sungah: Leibat ngaisahloute thu, midihtatte thu, midih kalsuonte Mangpa phudet ahidan thu, Mangpa phudette khu kipalpuo nanleh a bungbusip a tulou ding ahidan, midihtatte Mangpa'n a taisanlou dan thu, midihtat tate in khut adaw ngailou dan, midihtatte'n mi aleitawi sah ua, a tate uh guolzawl a aum thute agen hi midihtatte'n leigou aluo ding thu zong agen hi.
3. Thupilte 14: 34 ah, Dihtatna in nam atawisang thu leh khelna khu nam zalatna ahidan agen hi. Khotaang hinkhuo toh kisai ahi.

DECEMBER

THUPI: KULBAANG (I DINMUN UH) SESATE TUNGDIK KIANA DIA PANLAH DINGDAN

Nehemiah panlah dan etton ding:

1. Koima theilou in kulbaang sietnate ava en kimvel hi (2: 11-16).
2. Thuguh akem siem hi, "Koima ka hilsih hi"
3. Mipite kungah khopi sietdan ahila, mite athanuom sah hi (2: 17-18); nna hoi sem ding in akhutte uh ahatsahta uhi.
4. Nasep ding ahawmguol hi, aphungphung in, apawl pawl in, sun leh zan in; khut langkhat a thal tawi in, khut langkhat in nna sem uhi (4: 17-18).
5. Gentheite panpina ding in Dan abawl hi.
6. A nasep uh ni 52 sungin abawl tha zou uhi.

AKHUPSITNA: Nehemiah, Ezra leh Zerubbabel lam-kaina a Jerusalem khopi kulbaang leh Temple kisia bawlthana in, tahsa leh bieha lam a kipuophatna

Pasian ka zatat laisie ka hausa den ding hi- **Bill Gates**.

(restoration and reformation) ahi. Babulon gam a Kum 70 ava saltan sungun, biehna, simlei vai (politiS) leh Khotaang lam ah aseawpta ua, amangthai uhi.

Tu hun nukhie ah, ei hattuum mite zong itheilou kaal un, khovel dan bangin ium ua; hagau mihina lam ah igawta gawpta uhi. Khovel a um ihina uh suonlam a bawl in, Pasion thutah ah idingdet zousih ua; khovel toh ikingaidam zel uhi. Tami khu hagaulam a puona (spiritual down fall) ahilam ingaitua sih uhi.

Lai Siengthou in agenkhahlou, Dan tuomtuom ibawl ua, khumite ziehin lah ipeizang thei tuom sih ua, Dan (law) ibawl tam pou leh ibawsiet ding uh tam china ahi. Bangdia dan ibawlthuh zel uh ahiei? Ichileh, Thutah- Pasion thu a ikingah ngamlou zieh uh ahipehi. Pasion thutah ah Hagaulam khantouna aum a, Dan bawlthute ah simleivai (politics) ahing kikum zel hi. ●

MISSIONARY BIOGRAPHY:

JOHN BURYAN (1628-1684)

“Pasion thugen siem minthang”

- Rev Dr M. Thangboi Zou

A HINKHUO MASA: John Bunyan khu 30th November, 1628 in Elstow, Bedfordshire, England khopi Simlam (south) mel khat a um nulepa gentheitha innsung akipan hing pieng hi. Apa min ahileh Thomas Bunyan ahia, Belkhengtu (potter) ahia, Anglican Hattuum mi ahi hi. Anu Mary toh Nipini sim in a kikhawm zel uhi. Parish a min khumna Bu a a kigeldan in John Bunyan in 30th November, 1628 in

Ka thuohna teng hing mu ulechin, koiman hinga ng sih va uteh-
Khual Za Kham.

Baptisma a tang hi. Kum zabi 12na vel in Bedfordshire ah ahing teng ua, awl awl in a hausatnate u'leh anei-le-lamte uh ahing bei hiehie hi. Atawp in John Pu in Puonbu (Tent) inn chilou bangma anei non sih hi. Tuanmi ziehin miten John Bunyan leh a innsung mite khu “Belkhengtu” chin athei uhi. Kum 16 ahiin a sangkai khawlsan in Puonbu ah apa nasep akithuopi hi. Tua hunlai in Oliver Cromwell, Parliament sepia kichite lamkai ahi a, tua pawl ah mi atamzawte khu Puritan ngen ahi uhi. Cromwell leh England kumpipa Charles-1 shingam a nasatah a akidou laitah uh ahi hi. Tualeh kum 20 a pha in, Pasian zau leh ngaisah mama numei khat toh akinung hi. Innsung hamsa ahiman un innkuon kim a zatding ann nehna kuong leh tokeu kiching in zong anei zou sih uhi. Innsung a anei uh umsun khu, a pan a shikuon a apie laibu 2 zou azi'n anei hi.

A PIENTHANA: John Burnyan leh azi toukhawm in, anei sun uh laibu sim in a houlim zel uhi. A nupa un ni khat in 2vei biehin akai uhi. A lungtang uah thum leh Pasian phatna la sain kipatah in a um uhi. John Buryan in zong mikhiel, mite hamsiet a, gensie a, zuou a kichiem, Pasian min tanpha nasan ana gensie ahidan ahing kiphuong khie hi. A neisun uh laibu 2 ten Pasian toh akinai sah mama hi. Nipini zingmawng

khat thugenpa thugen in alungsim akhawi mama hi. Tua athugen akipan in ama khu mi khiel leh gilou ahilam ang phokheta hi. Tua thu ahileh azi ahil hi. Nipini nitalam in a bawlngaina uh bangin “Tip Cat” game ki-apmai din akuon hi. Tua game (Tip Cat) aki-apmai laitah un, Van akipat Aw (voice) khat in, “Na gitlouna kisie in Vangam a pei na ut ei? Ahi sihleh na gitlouna toh Gawtmun ah pei na utzaw ei?” chi aza in, John

Pasian in sillamjang abawl nuom chiengin, hasatna toh pan masa phot hi- **George Muller.**

Buryan in Jesun van akipan a ensuh a gawtsawm hidin a gingta hi. Tuania kipan a lungsim ang khelta a, nipini nitalam a ki-apmaina game uh zong atawpsan tahi. Nisim in Lai siengthou sim in, Thu Sawmpiate (Ten Commanment) bang etlou in asim in atheipai tahi. A nupa un sakhuo laibu dang dang te zong a simzel uhi. A Ta (child) masapen uh numei ahia, mittawsa in ang pieng hi. John Bunyan in a tanu mittawsa a ang pien pen ama gitlou man hidin angaisut hiel hi.

Ni khat, apa nasepna mun akipat Belsia siemphat ding sui a ava kawikawi laiin, piteeh 3 kihoulimna avaza kha hi. Tua Piteeh 3te pen pientCommandmenthana thu kihoulim ahi ua, aman a theikhezou mawngmawng sih a, lamdang asathaw mai hi. Mangpa Jesu khu amaute lawm hoipen leh hundampa ahidan gen in

akipah thei maam uhi. Tua Piteh te peinuoh in zong John Buryan in a houlimna thute uh aman khezou sih a, abuo mama hi.

Hun bangtan ahiei nnuo in, Pastor Gifford to hang kimu uhi. Pastorpan zong Jesu'n ama tahsa ngei toh kithuopi ahidan a genpi hi. John Buryan in zong Jesu kithuopi ut in zan khovah vah in a thum zel a, nanleh a muthei tuon sih hi. Gitlouna bang ahiei khat ngaidam theilou nei hidin a kigingta a, tuami'n a lungsim a gentheisah mama hi. Zan khanglai in inn mailam ah taipawt in gampalah ah bohzen in a vat hum a, hilezong bangma lamdanna amutuon sih hi. "Dihtatna leh siemtansahna" kichi khu mihing lampang a nasep hilou in, Jesu Khrist tungtawn a Pasian silthawnpia ahidan ahing mukhiet toh kiton in, "Na hoina Vangam ah a um hi"

Hasatna leh buoina in phattuomna anei tua hi- **Charles H. Spurgeon.**

chi aw khat in agen azah tahn, alungsim ang navah deuta hi. Jesu Khrist khu a siemtanna ahilam ang theikhe tahi.

JESU KHRIST A DIA

AKIZATNA: John Buryan a pientha zaw kum 1653 in Congregational Hattuum khat “Nonconformist” kichi pawl ah alut hi (Scholar khenkhatten Baptist Hattuum achi uhi). A lutna Hattuum ah kum khat zou in Pasian thugentu in a pangtheitahi. Tuo zou in 1657 kum in Upa (Deacon) din telching in a um hi. Aman, miten Jeus Khrist a kithuopi chieng bou in hamuonna anei theipan hi chite a hagen mama hi. Miten ama thugen a ngaisang mama uhi. Mipi upkhawmna kholaite ah Pasian thu agen chiengin, a thugen in mite a zou mama a, mi tampi a thugen ngaidin apeikhawm zel uhi. Tuachiengin, hattuum lam a lamkaite’n ahaza mama ua,

a lung uh bang a tha mai uhi. Siempu khen khatten Pulpit a thugenna apia chieng bangun a lungtha zong a um uhi. Thugen a siem a, a thugen in mite a zou mama a, a thangse pawl a tungah a lungtha pawl zong a um hiel uhi.

Kum 1658 in a laibu gel masapen asunkhie hi. Tami kum in a it mama a zi’n ashi san a, ta 4 anei nuo uh ahia, tuachi’n ama tanga a tate mi-4 ang enkawl ding hita hi. A mopuohna gih asa mama a, kum 1660 in azi lawinu (friend) Elizabeth zi in ahing nei hi. Tua kum 1660 in Leengpa Charles-11 in England Laltouna angluo kie hi. Thumna laibu (prayer book) England gam a hattuum zousie in azat ding chi’n thupie ahing bawlta hi. Tualeh agenbe na ah, Anglican Hattuum loungal a Pasian bieh zalenna akham hi. Thamlou in, Anglican hattuum thumdan lou a

Khovah nuoi a keima tang a ka peisang in, kho miel nuoi ah Jesu Khrist toh ka peikhawm nuom zaw hi - **Martin Luther.**

thumna zong phal ahisih hi. Tuachi'n, "Nonconformist hattuumte" khu doudalna leh gawtna ahing tangta uhi. John Buryan in athugen a tawpsan tuon sih a, mite innsuon leh golzing tengah thugen a sunzawm zel a, a thugen ngai din mite ahing peikhawm zel uhi. Tuachin November 1660 kum in mat in ahing um tahi. Thukhentupa'n, na thugen na tawpsan leh kang hakhe ding hi, chia aget leh John Buryan in in, "Pasian thu manglou a ka um sangin, Thonginn sung ah apkai zen a khum ka nuomzaw hi" chi'n adawng hi. Tuachin, Bedford Thonginn sungah kum 6 sung (1660-1666) khum in aum hi. Azi in thonginn ah a vave in, ne-le-dawn a puopi a, vaihawmte kungah tam veipi hakhiet din angetsah vangin vaihawm ten a ngaisah vawt sih uhi.

John Buryan, Bedford thonginn a tan sungin Khristian dangte zong tua thonginn (jail) ah khum in

ang um ua, mi tampi khum a aup tachiengun biehma kikhawpna neithe i ding khop ang pha ta chiengun John Buryan kipah in Pasian aphot hi. Hun bangtan ahiei nuo in John Buryan tua thonginn apat hakhiet in ang um a, thonginn a tamsung a azi in London khopi a Pasian thu ana hilte (khristiante) a vave hi. Thuneitute'n tam thu angza tah chiengun lungtha in John Buryan thonginn ah akhum kia uhi. John Buryan athong tan hunsung agawm in kum 12 apha hi. Thonginn alut nukhiepen in, Thong sungah laibu minthangtah "A pientha dan, mi khielpen a ding in zong Pasian hepina kiching" chi ahing giel khie a, kum 1666 in sutkhiet in a um hi. Tualou in laibu tampi leh naupangte sah ding La tampi zong aphuo khie hi.

England kumpi'n, "Nonconformistte" a doudalna ten gang phel khiet toh kitawn in John Buryan

I hasatnate pen asangzaw dinmun I tun theine dinga, kidaw Kalbi ahi- **R.A. Torrey.**

zong hakhiet in ahing umta hi. Kum 1671 in Benfort a Congregation hattuom ten Pastor din a chiel uhi. Tua hattuom ah Pastor nna ahingsep toh kiton in Pasian thugen theina hunlam ang neipan tahi. Hinanleh kum 1675 in mat in a um kia a, Ha 6 (6 months) sung thonginn ah khum in a um hi. Tuahun in, laibu minthang mama “Khristian Khuolzin” (Pilgrim Progress) kichi ang giel pan hi. Tami laibu sutkhiet ahi masangin Hattuomte kungah asim khezel a, hinanleh angaisah vawt sih uhi. Kum 1678 in a laibu gel “Khristian Khuolzin” khu sutkhiet in ang um tahi. Tami laibu khu miten dei ahiman in asutkhiet kum 1678 in 2vei sutin a um hi. Tami laibu agel nasan ahileh, “Sietna khopi akipan peikhie a Vangam lam zuon a khuolzinna thu” ahi hi. A laibu gel “Khristian Khuolzin” khu leitung a ham tuomtuom 200 sanga tamzaw

in lekhiat (translated) in a um a, leitung a Laisiengthou ban a laibu peipen leh minthang pen asuo hi. Kum 1679 in a 3veina (third Edision) din sutkhiet in a um kie hi. Kum 1680 in laibu tha khat “Kidouna Siengthou” a sunkhie kie a, aman ashi masang in laibu 20 val asunkhie hi.

AHINKHUOTAWPLAM:

Hun-le-kumte hing peitou zelin John Buryan zong Awmna (Pneumonia) natna ang nei a, Hapta khat (one week) bang athuo nuo in, ama tahsa kum 60 achin kum 1688 in London khopi a zinlai in lampi (lamkal) ah ahinna abeita hi. Aman ashi kum ngel in laibu 6 a sunkhe man a, sutkhiet dia mansa a akoi laibu 16 vel anuozie hi. Aman azi leh a tate adin Gou (asset) chitah mawng mawng bangma anutsiet sih a, England sum Pound 43 vel bou anutsiet giep hi, akichi hi. ●

Hastna hanse da in, pum pel zong som sinlen, na zaw zou ding kizil zaw in- **Peter Wichrock.**

MELC INNSUNG THU

1. LAZAR PROJECT: SSC & BANKING COURSE

HONNA UM: Apeisa Nisim 15th April, 2026 in Martin Luther Hall ah, Lazar Project: SSC Preliminary Course, Department of Education, Lutheran Youth Fellowship General Headquarters sai na nuai ah vaiguon nei ahi. Director of Ministries, Youth Incharge in vaiguon honna nei in, Rt. Rev. Khup Do Khen Bishop



in Lazar Project SSC & Banking Prelims course honna anei ahi. Tami Lazar Project nuai a SSC & Banking Course ahileh Prelims, Mains, Revision Course a khen ahia Date 16th April apat Prelims Course pat ahi ngal ding hi.

Tunia Special invitees a kihan Bishop, Moderator, Dy. Moderator, Project Manager, DS Lamka West, DS Lamka East, ELWA GHQ leh Chairman, LYF GHQ in aspirant te adingin hanthawn na thu tampi ahing gen pi ua, tuami meimei hilou in LYF Lazar Project zong a sakhau ua pat in kiphah tah in dangka bangzat e khat chiet toh phungvua na zong ahing nei ngal uhi. Director of missions & Evangelism in vaiguon khahna nei in vaiguon zaw ahi.

Hasatna tua ding zauten a tuatua uhi- **John Straurt Mill.**

2. REVIVAL CRUSADE PROGRAMME DATED 23-26 APRIL 2026, AT SINGNGAT MELC LAWCHING TAH IN ZAW AHITA: Tam vaiguan speaker Evangelist Damkhothang EBCC apat ahi. Speaker pa damlou na zieh in ahuntahin pan sih nan uleng zong azingni 24 nitah in Rev. Dr. Ginkhanmung Zou Singngat Divisional Superintendent in vaiguon honna anei hi. Speaker pan Pa Mangchinlam tu nai a MELC Emmanuel Khopi ten Street Ministry a dinga i Office tungtawn a MELC Bishop Khupdoukhen, in commissioning ana bawlpa toh hingki zawkhawm ahi.

Tam Revival Crusade programme Singngat local ELWA leh LCC te toh pangkhawm a kisai ahi. Pasion mapuina toh zietle vei a hattuom dangdang ten jong ahing sim uhi. Tunkim nitah apat biahinn kidim zing hi. Speaker pan atangpin 1-2 hours Pasion thuhing genna nei hi. Hun thugenna 7 dingpen, Hunpi 5 toh thugenna nei in, mipi peikhawm ten Pasion thuhing kigente phattuompi ngeiva chi iging tahi.

Kikhop chin ah local LYF ten Praise and Worship mapui uhi. LCC leh ELWA ten Speakerpa annkuong khat sawkhawmpi ding chi hinan leh mimal, innkuon deisahna toh ang tun zan chilou in anneh pihnuom booked sieng ziehin kaneipi man nonsih hi. Damlou na zieh a tunkim zan ahing jah theiloupen amapa zong kiphalam in hun awl dang khat ah hing vekia dingin kaki nem uhi. Tua chieng leh local sung a lamkai ten a innkuon ua angpei kia ding in kaki vai lhah uhi.

Pasianni nitah in Revival Crusade Vaiguan khahna kanei zou un, Evangelist pa leh aloipa vailhah na kanei ua kaki khen ta uhi. Local ELWA ten kipahpi nan Necktie khat tuoh awhsahin, Speakerpa Zou puonlaison khat kipia a Upa

Pasion in a min (name) a chiemte khalou mi tampi nei hi- **Rev Dr J.M. Paupu.**

Kapsuan local Chairman in kipah thugenna nei in, Hattuum min in itna silpieh Envelop khat pekhia hi. Huntup ah Singngat DS in Vaiguon khahna thumna leh guolzawl na toh khahna neita hi. Tam vaiguon lawching tah a hing zousah Pasion tungah kipahthu igen sawn sawm uhi.

2. SANGAIKOT DIVISION LYF TEN HUNDAMNA CAMP NEI:



Date 23-26 ni in Sangaikot Division nu leh pa te saina in Nehemiah Prayer Mountain ah Sangaikot Division LYF ading in **Hundamna Camp** sai uhi. Tami hun ah Speaker ding in Evangelist Ginminlun in Pasion thutah gen in pang hi. Khanglai hing peikhawm 110 zat ahileh agawm in Mi-110 apha hi, khanglai te'n phattuompi mama uhi. Tualeh tami camp toh kisai a panpi tu teng kungah kipahthu genna zong ana nei uhi. Date 23 April nitalam in camp lut na nei in um a, papawl leh nupawl division lamkai te'n tuantai hi na la in, Date 26 April nitalam in camp khahna jat ahi jou nuo in lawchingtah in kikken uhi. ●

“Silhoi bawlin, na shi vawt sih ding hi”- *Moroccan Thupil.*

THUPIL:

1. Leitung a hamsatna leh lungkhamna i tuate Vangam in a suhdam zoulou ding khatbe aum sih hi - **Thomas Moore.**
2. Halna khu mikhielte zieh a lungkham leh mangbang a um a, um khinkhien theilou khop a lung himawte thumna gaa ahi. Hindan ngeina a hing a, hoitah a kilang bang, ahi vang a agu a silbawl khiei gige ten halna tun ding dal uhi - **C.H. Spurgeon.**
3. Hepina mit tui Takhat mai zong, hepina panglou a silpieh thupitah Sangin aman tamzaw hi - **Carson Ericksen.**
4. Khristian hingal a, Jesu Khrist nuazui a Khrist gimnamtui ama a muthei ding umlou mi khu mi lawsam ahi - **Francis Bacon.**
5. "Khantanhoi khu mimal leh Pasian kihouna ahi" - **William Temple.**
6. "Pasian muong inlen, hinanleh na nasep ngaisah in" - **Russia Thupil.**
7. "Mangpa Pasian in lamsuh lamtou izawt ding ang phal a, atawpna ah ang zawpi zel hi" - **Tristin Charlie.**
8. **Thomas Edison** (1847-1931) in, "Galzawna ding in Pilna 2 % ahia, pawnthawwna (kukalna) 98% ahi" achi hi.
9. **Bob Jone** (1883-1968) in, "Zuouthu toh milien, mithupi (lawching) ka hi sangin, thudih, thutah toh bangmalou kahi nuomzaw hi" achi hi.
10. **Nancy Hanks Lincol** in, atapa Abraham Lincoln kung ah "Ka tapa aw, Zu dawn vawt sin. Achiam in zong chiam sin. Tua ahileh Pasian in na mailam hun ah mopuohna ang guon ding a, ahin Zu nadawn levang Pasian in mopuohna ang guon thei sih ding hi" achi hi.
11. **Alexenader The Great** (BC 356-323) in, "Tuipi (Ocean) sung a kialut a ashi sangin, Thawl (bottle means Zu) sung a kelut a shi atamzaw hi" achi hi.
12. **Benzamin Franklin** (1706-1790) in, "Ann neh ding in hing sinlen, na hinna ding in Ann nezaw in" achi hi. Tualeh agenbe kia na khat ah, "Amasa ding leh anukhe ding khensiem mi khu mipil ahi" achi hi.
13. **Eleanor Roosevelt** (1884-1962) in, "Na hoisawm na pouleh, koiman ahing suhse zou sih ding a, ahin na sietsawm naleh, koiman ahing hoisah zou tuonlou ding hi" achi hi. Amnu khu "Franklin Roosevelt zi" ahi hi.
14. **Albert Einstein** (1879-1955) in, "Mi lawching (success) hiding tum sinlen, mi manpha (value) hiding tupm zaw in" achi hi.
15. **Sapte Thupi in**, "Lawmhoi tahtah ichi khu ivangsiet hun chieng in kimu pan hi" achi hi. Tualeh agenbe na khat ah, "I poimaw laitah a ilawm khu lawmhoi tahtah ahi" achi hi.

"Leitung ah Sakhuo tampi a um a, hinanleh Khantanhoi khatbou aum hi" - **George Owen in**

If undelivered, please return to
The Editor, Gospel Tangkou
MELC Head Office, Zomi Colony
Post Box – 10, Churachandpur 795128
Manipur, India,
e-mail: melcqrts@mail.com

Gospel Tangkou (Gospel Herald)
RNI Regd. No : 62170/95 MNP 76
(Hachin a kisuo, hattuom khanletna ding)



Happy
Children's Day

BOOK POST

To

.....

.....

.....